



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

190. De eadem re.

urn:nbn:de:hbz:466:1-14622

DE ECCLES. DISCIPLINIS. 95

ricos, nisi hymno dicto, edere panem, & post cibum gratias auctori Deo referre.

Ut sacramenta altaris à jejunis celebrentur.

Ex Concilio Africano.

CLXXXVIII. Ut sacramenta altaris non nisi à jejunis celebrentur, excepto uno die anniversario quo cœna Domini celebratur. Nam si aliquorum pomeridiano tempore defunctorum Episcoporum sive ceterorum commendatio facienda est, solis orationibus fiat, si illi qui faciunt jam pransi inveniuntur.

Conc. Afric.
c. 8.
Capitulare
Ahytonis
c. 10.

Ut post allocutionem Episcopi in Missarum solemnibus plebs ad orationem invitetur.

Ex Concilio Laodicensi.

CLXXXIX. Quod oporteat seorsum primum post allocutiones Episcoporum orationem super catechumenos celebrari. Et postquam catechumeni egressi fuerint, super eos qui sunt in pœnitentia precem fieri. His etiam accedentibus ad manum sacerdotis & discedentibus tres orationes consummari fidelium, ita ut prima quidem sub silentio, secunda verò & tertia per exclamationes solitas expleantur.

Concil. Lao-
dic. c. 19.
Burchard. lib.
2. c. 69.

De eadem re.

CXC. Oportet ut in diebus festis vel dominicis, post sermonem intra Missarum solemniam habitum ad plebem, sacerdos admoneat ut juxta apostolicam institutionem orationem omnes in commune pro diversis necessitatibus fundant ad Dominum pro Regibus

Vide infra c.
204. hujus
libri.
Burchard. lib.
2. c. 70.

Vide Amulo-
nem. epist. 1.

& Rectoribus Ecclesiarum, pro pace, pro peste, pro infirmis qui in ipsa parochia lecto decumbunt, pro nuper defunctis; in quibus singillatim precibus plebs orationem dominicam sub silentio dicat, sacerdos verò orationes ad hoc pertinentes per singulas admonitiones sollemniter expleat. Post hæc, sacra celebretur oblatio. Ait enim Apostolus: *Obsecro primùm omnium fieri orationes, obsecrationes, gratiarum actiones &c.*

1. Timoth. 2.

Ut nullus Presbyter solus præsumat Missam cantare. *Ex Concilio Nannetensi.*

Burchard, lib.
3. c. 68.
Vide lib. 5.
Capitular.
c. 93.

CXCI. Definivit sanctum Concilium ut nullus Presbyter solus præsumat Missam cantare. Cui enim dicit *Dominus vobiscum*, aut *Sursum corda*, aut *Gratias agamus Domino Deo nostro*, cum nullus sit qui respondeat: Aut in Canone, & *omnium circumstantium*, cum nemo adsit? Aut quem invitat ad orationem, cum dicit *Oremus*, cum nullus sit qui secum oret? Aut ergo ista penitus reticenda sunt, & non solùm non erit perfectum sacrificium, verùm etiam incurret, quisquis ille est, terribilem sententiam: *Si quis tulerit de hoc, tollet Deus partem ejus de libro vite.* Aut si hæc muris & parietibus insurraverit, ridiculosum erit. Quapropter periculosa superstitio maximè à monasteriis monachorum exterminanda est. Prævideant autem Prælati ut Presbyteri in cœnobiis cooperatores habeant in celebratione Missarum. Si quis hæc transgressus fuerit, ab officio suspendatur.

Apoc. 22.